

Na osnovu člana 16. stav 3. Zakona o Vladi Zeničko - dobojskog kantona-Prečišćeni tekst ("Službene novine Zeničko - dobojskog kantona", broj: 7/10 i 3/23), a u skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13) i članom 21. stav 1. Odluke o osnivanju Turističke zajednice Zeničko-dobojskog kantona („Službene novine Zeničko- dobojskog kantona”, broj: 16/22), na prijedlog Ministarstva za privredu, Vlada Zeničko-dobojskog kantona, na 42. sjednici, održanoj dana 23.08.2024. godine, d o n o s i

RJEŠENJE

o imenovanju na kraći period v.d. direktora Turističke zajednice Zeničko-dobojskog kantona

Član 1.

(Imenovanje)

Imenuje se Jasmin Šarić za v.d. direktora Turističke zajednice Zeničko-dobojskog kantona na kraći period, odnosno do konačnog imenovanja, a najduže tri mjeseca od dana imenovanja.

Član 2.

(Ovlaštenja imenovanog)

Imenovani iz člana 1. ovog Rješenja se ovlašćuje da preda prijavu za upis u sudski registar i preduzeti ostale potrebne radnje u vezi sa podnesenom prijavom i zaključcima suda i da preuzme rješenje po osnivanju u skladu sa članom 21. stav (2) Odluke o osnivanju Turističke zajednice Zeničko-dobojskog kantona („Službene novine Zeničko- dobojskog kantona”, broj: 16/22), te se ovlašćuje da u skladu sa članom 66. stav (3) Zakona o turizmu („Službene novine Zeničko-dobojskog kantona“, broj: 12/22):

- a) predstavlja i zastupa Turističku zajednicu Kantona,
- b) organizira i rukovodi radom i poslovanjem Turističke zajednice Kantona,
- c) predlaže akte koje donosi Nadzorni odbor,
- d) izvršava odluke Nadzornog odbora i preduzima mjere za njihovo provođenje,
- e) stara se o zakonitosti rada,
- f) odgovara za korištenje i raspolaganje imovinom,
- g) vrši i druge poslove utvrđene zakonom i statutom.

Član 3.

(Stupanje na snagu i objava)

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-30-14699/24

Datum, 23.08.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za privredu,

1x Imenovani, putem Ministarstva,

1x „Službene novine Zeničko-dobojskog kantona“,

1x a/a.

